



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-724-2/21
Banja Luka, 3. 12. 2021. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu advokata _____ i punomoćnika Uniqa osiguranje d.d. Sarajevo, Direkcija za civilno vazduhoplovstvo Bosne i Hercegovine (BHDCA) donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA dostavljanjem informacija

Obrazloženje

Dana 30. 11. 2021. godine Direkcija za civilno vazduhoplovstvo BiH (u daljem tekstu BHDCA), zaprimila je, putem e-maila, zahtjev na osnovu Zakona o slobodi pristupa informacijama u BiH u kojem podnosilac, advokat _____, punomoćnik Uniqa osiguranje d.d. Sarajevo, uz dostavljenu punomoć, zahtijeva da mu se dostave sljedeće informacije:

„Obraćam Vam se kao punomoćnik UNIQA osiguranje d.d. Sarajevo (punomoć u prilogu) sa zahtjevom za dostavu polise osiguranja osiguravatelja Hayward Aviation, za vazduhoplov operatera FlyBosnia, tip A319, registarskih oznaka E7-FBB (u daljnjem tekstu: vazduhoplov), koja je važila na dan 17. 10. 2019. godine.

Naime, ranije po zahtjevu, BHDCA nam je dostavila Rješenje o pristupu informacijama Direkcije za civilno zrakoplovstvo (BHDCA), broj 1-2-50-2-876-2/19 od 23. 12. 2019. godine u kojem je navedeno da dok je vazduhoplov bio upisan u Registar civilnih vazduhoplova u BiH (14. 5 - 25. 11. 2019), isti je bio osiguran kod osiguravajućeg društva "Hayward Aviation" (Rješenje u prilogu), ali nismo u posjedu predmetne polise i uslova iste.

Obzirom da je UNIQA osiguranje d.d. Sarajevo kao osiguravatelj svom osiguraniku J.P. Međunarodni aerodrom "SARAJEVO" d.o.o. Sarajevo isplatilo štetu nastalu u nezgodi od dana 17. 10. 2019. godine, za čiji nastanak cijeni da su odgovorni vazduhoplovni operater FlyBosnia i njegov osiguravatelj od odgovornosti za štetu prouzrokovanu trećim licima - Hayward Aviation, radi vođenja parničnog postupka pred Opštinskim sudom u Sarajevu u svrhu dokazivanja potrebna nam je polisa osiguranja osiguravatelja Hayward Aviation koju potražujemo ovim zahtjevom.

U skladu sa prethodno navedenim, smatrajući ovaj zahtjev osnovanim i opravdanim, molimo da udovoljite istom“.

Postupajući po navedenom zahtjevu, a na osnovu člana 14. stav (2) tačka c) Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu i u prilogu ovog rješenja dostavlja kopiju tražene informacije (Certificate of Insurance).

Uputstvo o pravnom lijeku: Protiv ovog rješenja može se podnijeti žalba Žalbenom vijeću pri Savjetu ministara BiH kao drugostepenom organu i prigovor Ombudsmenu za ljudska prava BiH.

Generalni direktor
Čedomir Sušnjar

- Certificate of Insurance

- Zajednička advokatska kancelarija

- a/a .